

## FRAMKVÆMDARÁKVÖRÐUN FRAMKVÆMDASTJÓRNARINNAR

2015/EES/55/08

frá 23. júní 2014

## um frekari fyrri losun frá flugi og viðbótarlosunarheimildir vegna flugs með tilliti til aðildar Króatíu að Evrópusambandinu

(2014/389/ESB) (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af lögum um aðild Króatíu <sup>(1)</sup>, einkum a-lið 1. liðar í I. lið 10 þáttar V. viðauka,

og að teknu tilliti til eftirfarandi:

- 1) Í i. lið a-liðar í 1. lið I. liðar 10. þáttar í V. viðauka við lögum um aðild Króatíu, sem varðar allt flug milli tveggja flugvalla sem eru staðsettir á yfirráðasvæði Króatíu og öll flug milli flugvallar sem er staðsettur á yfirráðasvæði Króatíu og flugvallar sem er staðsettur í landi utan EES-svæðisins (hér á eftir nefnd viðbótarflugstarfsemi), kemur fram að þrátt fyrir ákvæði 2. mgr. 3. gr. c í tilskipun Evrópuþingsins og ráðsins 2003/87/EB <sup>(2)</sup> eigi tímabilið, sem um getur í 1. mgr. 13. gr. þeirrar tilskipunar og hefst 1. janúar 2013, að hefjast 1. janúar 2014 að því er varðar viðbótarflugstarfsemina.
- 2) Samkvæmt ii. lið a-liðar í 1. lið I. liðar 10. þáttar V. viðauka við lögum um aðild Króatíu, þrátt fyrir 4. mgr. 3. gr. c í tilskipun 2003/87/EB, skal framkvæmdastjórnin ákvarða, samkvæmt málsmeðferðinni sem um getur í sama ákvæði, um fyrri losun frá flugi að því er varðar viðbótarflugstarfsemi innan sex mánaða frá aðildardegi.
- 3) Heildarfjöldi losunarheimilda sem á að úthluta til umráðenda loftfara er skilgreindur sem hlutfall af fyrri losun frá flugi. Í s-lið 3. gr. tilskipunar 2003/87/EB er fyrri losun frá flugi skilgreind sem meðaltal árlegrar losunar á almanaksárunum 2004, 2005 og 2006 frá loftförum í flugstarfsemi sem tilgreind er í I. viðauka við þá tilskipun. Í 2. mgr. 3. gr. c í þeirri tilskipun er kveðið á um að reikna eigi heildarfjölda losunarheimilda, sem úthluta á til umráðenda loftfara, á grundvelli þessa meðaltals fyrri losunar.
- 4) Framkvæmdastjórnin hefur notið aðstoðar Evrópustofnunar um öryggi flugleiðsögu, í samræmi við 18. gr. b í tilskipun 2003/87/EB, við útreikning á fyrri losun frá flugi vegna viðbótarflugstarfseminnar. Ítarleg gögn um flugumferð úr gagnagrunni Evrópustofnunar um öryggi flugleiðsögu, frá aðal-skrifstofu sem sér um að innheimta leiðargjöld og frá yfirstjórn flæðisstjórnunardeildar, voru talin bestu tiltæku gögnin til útreiknings á fyrri losun. Þar kemur fram raunveruleg lengd flugleiðar fyrir hverja einstaka flugferð. Losun var síðan reiknuð út fyrir hverja flugferð fyrir sig með því að nota aðferð 3 til að draga úr óþægindum af völdum flutninga í lofti (e. *Abatement of Nuisances Caused by Air Transport 3 methodology*) og aðferð við útreikning á losun með valvísu jafngildi (e. *Calculation of Emissions by Selective Equivalence methodology*). Þessi aðferð við útreikning á fyrri losun var þróuð frekar með því að nota upplýsingar um raunverulega eldsneytiseyðslu, sem dæmigerður fjöldi af umráðendum loftfara veitti sjálfviljugur, til að fullgilda niðurstöðurnar.
- 5) Á almanaksárinu 2004 var árleg losun frá viðbótarflugstarfsemi, frá loftförum í flugstarfsemi sem tilgreind er í I. viðauka við tilskipun 2003/87/EB talin vera 114 024 tonn af koltvísýringi. Árlega losunin frá slíkum loftförum á almanaksárinu 2005 er talin vera 126 827 tonn af koltvísýringi og árlega losunin frá slíkum loftförum á almanaksárinu 2006 er talin vera 127 120 tonn af koltvísýringi. Fyrri losun frá flugi er 122 657 tonn af koltvísýringi.
- 6) Samkvæmt viii. lið a-liðar í 1. lið I. liðar 10. þáttar V. viðauka við lögum um aðild Króatíu, þrátt fyrir 3. gr. e (d-liður 3. mgr.) í tilskipun 2003/87/EB, að því er varðar viðbótarflugstarfsemina, á að reikna

(\*) Þessi EB-gerð birtist í Stjtið. ESB L 183, 24.6.2014, bls. 135. Hennar var getið í ákvörðun sameiginlegu EES-nefndarinnar nr. 294/2014 frá 12. desember 2014 um breytingu á XX. viðauka (Umhverfismál) við EES-samninginn, biður birtingar.

<sup>(1)</sup> Stjtið. ESB L 112, 24.4.2012, bls. 6.

<sup>(2)</sup> Tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB (Stjtið. ESB L 275, 25.10.2003, bls. 32).

út fjölda losunarheimilda sem á að úthluta án endurgjalds með því að margfalda viðmiðunina, sem um getur í 3. gr. e (e-liður 3. mgr.) í þeirri tilskipun, með summu tonnkilómetragagna sem tilgreind eru í umsóknum sem lagðar eru fyrir framkvæmdastjórnina í samræmi við vi. lið a-liðar í 1. lið I. liðar 10. þáttar V. viðauka við lögum um aðild Króatíu.

- 7) Framkvæmdastjórnin greindi umsóknir í tengslum við viðbótarflugstarfsemi, sem Króatía lagði fram í samræmi við vi. lið a-liðar í 1. lið I. liðar 10. þáttar V. viðauka við lögum um aðild Króatíu, og útreikningana á fyrri losun frá flugi vegna viðbótarflugstarfsemi, sem Evrópustofnun um öryggi flugleiðsögu lagði fram, og komst að þeirri niðurstöðu að viðmiðanirnar, sem eru tilgreindar í 3. gr. e (e-liður 3. mgr.) í tilskipun 2003/87/EB, ættu ekki að falla undir samræmdan leiðréttingarstuðul eins og kveðið er á um í viii. lið a-liðar í 1. lið I. liðar 10. þáttar V. viðauka við lögum um aðild Króatíu.
- 8) Samkvæmt iii. lið a-liðar í 1. lið I. liðar 10. þáttar V. viðauka við lögum um aðild Króatíu, þrátt fyrir ákvæði 3. gr. d (2. mgr.) í tilskipun 2003/87/EB, á, frá 1. janúar 2014, sá hundraðshluti losunarheimilda, sem á að bjóða upp vegna viðbótarflugstarfsemi, að vera sá hundraðshluti losunarheimilda sem eftir stendur þegar reiknaður hefur verið sá fjöldi losunarheimilda sem úthluta skal án endurgjalds skv. 3. gr. e (d-liður 3. mgr.) í sömu tilskipun og sá fjöldi losunarheimilda sem er settur til hliðar í sérstakan varasjóð skv. 3. gr. f. í sömu tilskipun.
- 9) Ráðstafanirnar, sem kveðið er á um í þessari ákvörðun, hafa verið teknar til athugunar innan nefndarinnar um loftslagsbreytingar.

#### SAMÞYKKT ÁKVÖRÐUN ÞESSA:

##### 1. gr.

Frekari fyrri losun frá flugi vegna viðbótarflugstarfseminnar er 122 657 tonn af koltvísýringi.

##### 2. gr.

Heildarfjöldi losunarheimilda í öllu Sambandinu, að því er varðar viðbótarflugstarfsemi sem varðar hvert ár á tímabilinu frá 1. janúar 2014 til 31. desember 2020, er 116 524.

##### 3. gr.

Við útreikning á fjölda losunarheimilda, sem á að úthluta vegna viðbótarflugstarfsemi í samræmi við viðmiðunina sem um getur í e-lið 3. mgr. 3. gr. e í tilskipun 2003/87/EB, skal námunda að næstu losunarheimild.

##### 4. gr.

Heildarfjöldi losunarheimilda sem á að úthluta án endurgjalds í öllu Sambandinu, að því er varðar viðbótarflugstarfsemi sem varðar hvert ár á tímabilinu frá 1. janúar 2014 til 31. desember 2020, er 41 584.

##### 5. gr.

Heildarfjöldi viðbótarlosunarheimilda í öllu Sambandinu, sem á að setja til hliðar í sérstakan varasjóð, er 3 495.

##### 6. gr.

Heildarfjöldi viðbótarlosunarheimilda í öllu Sambandinu, sem á að bjóða upp ár hvert á tímabilinu frá 1. janúar 2014 til 31. desember 2020, er 71 445.

7. gr.

Ákvörðun þessi öðlast gildi daginn eftir að hún birtist í *Stjórnartíðindum Evrópusambandsins*.

Gjört í Brussel 23. júní 2014.

*Fyrir hönd framkvæmdastjórnarinnar,  
forseti.*

José Manuel BARROSO

---